

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2017-imeersoq.

(Aningaasaqarnermut Akileraartarnermullu Naalakkersuisoq)

Saqqummiussissut

(Aningaasaqarnermut Akileraartarnermullu Naalakkersuisoq)

Siullermeerneqarnera

Matumuuna aningaasarsianit akileraarutit pillugit Inatsisartut inatsisaata allanngortinneqarneranik inatsisartut inatsisissaattut siunnersuut Naalakkersuisut sinnerlugit saqqummiutissavara.

Aningaasarsianit akileraarutit pillugit Inatsisartut inatsisaata allanngortinneqarneranik siunnersuut imm. 145 Naalakkersuisut upernaakkut ataatsimiinnermi saqqummiuppaat. Tamatuma kingorna paasinarsivoq siunnersuummi inatsisip oqaasertaani annikitsumik kukkusoqarsimasoq.

Kukkuneq naqqinneqartoq tassaavoq, inatsisip oqaasertaani allassimasoq kommuninut ataatsimut akileraarummut procenti akileraarutissaq *Naalakkersuisunit* aalajangerneqartassasoq. Tamanna inatsisissatut siunnersuummik siunertarineqanngilaq kukkunerullunilu, tassami kommuninut ataatsimut akileraarummut procenti akileraarutissaq, nunamut tamarmut akileraarummut procenti akileraarutissaq assigalugu, *Inatsisartunit* aalajangerneqartarmat.

Ilanngullugu oqaatigineqarsinnaavoq, kukkuneq suleriaatsimut sunniuteqarsimanngimmat sunniuteqartussaananilu. Siunnersuummillu matuminnga saqqummiussinikkut tamatuminnga erngetumik aaqqiipallannissaq Naalakkersuisut naapertuuttutut isigaat.

Naggataagut inatsisissatut siunnersuummut taassumunngalu nassuiaatinut innersuussissaanga.

Taamatut oqaaseqarlunga Naalakkersuisut sinnerlugit siunnersuut Inatsisartunut suliarisassanngorlugu tunniuppara.